

KO FAKATU'UTU'U LAO O 'UIGA MO LE SAOFAKI MA'ULI

KO FA'ASIGĀ NE'A E TONU KE 'ILOA MO FAKASOKO LOLOTOGA O SE MAFUIKE



Kāpau e koutou nofo i LOTO o se nofo'aga pe ko se falefata : koutou sola ki fafo.



Kāpau e koutou nofo i FAFO : koutou fakamama'o mei falefata, fakamama'o mei la'akau, fakamama'o mei vā 'uila. Koutou nokunoku ki lalo ti mo koutou puipui o koutou fā 'ulu. Ko fa'asigā ne'a o aga pe āteni o televisio, ko ipu faiteu pe ko ni'iki atu a ne'a e mafai ke vīvilo moka galulu le kele, e mafai ai le lavelavea o kilisiteano e tu'u feofi ki se falefata.

Kāpau e koutou lolotoga SOFEA : koutou fakatafa ki le kauala, o tu'u ki se gāne'a lau'ātea.



Ko la'akau, ko vā 'uila, ko pou, ko panō o le ala ti mo ni'iki atu fa'asigā ne'a e mafai ke vīvilo lolotoga o le mafuike. I lakotou nofo ma'u, e fakate'iki ai a tu'utāmaki, ti ko le ta'ufufu o le motokā e puipui'ia koutou mei fa'asigā ne'a e vīvilo. Kā kua 'oki le galulu o le kele, koutou soko atu mo fai ne'a tokaga.

Koutou tokoi ki okoutou vasa'a fale, tāfito kia lātou alā e faka'ete'ete gata'a (kau matutu'a, kau ma'imoa mo fānau...)

Kāpau e koutou nofo i se gāne'a e iai ni matāfatu e mafai ke solo, koutou fakatokaga ! E mafai ke vīvilo mai ni fatu, pe solo mai ni kele ...

Auase siki sa'ele a kilisiteano lavelavea mo kāpau lekiase tuku mai se tonu mei le kau sa'ofaki ma'uli gato fu'ai mo kāpau e le'aise fakatupu tu'utāmaki ki olātou ma'uli. Fakalogo ki le le'o o le lātiō.

Ko le telefoni, koi faka'aoga e koutou mo kāpau ko se ne'a e fakavilivili 'ai.

Koutou fakatokaga ki vā 'uila ku vīvilo.

Ko lona kātoa loa, koutou fakamama'o mei gāne'a ku maumau.

Koutou fakatokaga fakalasi 'ai ti mo fakatitio fakamālotoloto ki pa'ā, ki fāliki papa, ki matapā, ki kākega ti mo kātupa, ke koutou 'iloa papau ai lekiase maumau se ne'a ke mafai ai lakoutou toe ulu saosaoa ki fale.

Ko le to'o o paaki o ne'a na maumau i lōkoutou fale pe ko ne'a e na'a i loto, e 'aoga loa ki le fai o pepa o 'uiga mo le fakamā'oki o maumau o le tu'utāmaki.



Koutou fakatokaga ki galulu faka'oki'oki o le mafuike. E soko tu'uma'u mai i minuta, i 'aso, i vāsa'a, pe ko ni māsina foki i le 'oki atu o le mafuike.